

建寧縣志

卷之四

論音

宸章

巡幸

卷之一

星土

建置沿革

形勝

六景附

疆域

城池

坊第附

公署

倉庫附

學校

義學

生員額數附

里社

集市

卷之二

田賦

戶口

起運

存留

課程

剝船

撥補

卷之三

河渠

橋梁附

武備

秩祀

祠宇附

郵傳

卷之四

古蹟

寺觀

風俗

物產

機祥

卷之五

職官

卷之六

選舉

卷之七

名宦

褒封

流寓

仙釋

卷之八

人物 附內臣

卷之九

列女

卷之十

藝文 章奏 申詳條議

卷之十一

藝文 碑記

卷之十

藝文 序 傳 墓誌 詩

卷之末

原序 跋

武清縣志卷之十

藝文

文章與政治相通無取於誇多鬪靡爲也武雖
小邑曩多績學之士其他文不備載載其有關
於政教風化者若干首而羈客騷人之咏歌吾
邑者亦備錄焉志藝文

章奏

明

閉關三疏

御史李欽
邑人

重宗廟以固國本以安人心事臣聞明主不惡切直之言以納忠烈士不憚死亡之誅以極諫臣幸生非常之時得遇非常之主職爲御史巡視邊關目擊國家大事敢獻一言而死臣風聞人言紛紛陛下已駕乘輿欲過居庸關往宣大等處遊玩臣以爲不然陛下爲此舉者豈爲遊玩以適一己之樂蓋深憤口口之爲患也但此口口譎詐兇狠惟可命將以禦之不可自與之角也何也以漢高祖經百戰之餘而所統者皆

奇才良將且圍於白登七日乃出我英宗以不
聽大臣之言自行親征未幾而有己己之變由
此言之則口口不可輕與之角也信矣且一人
之家尙不肯輕出而與人爭陛下兩宮在內當
日在膝下而不可遠遊也且又宗廟社稷之大
百官萬民之衆皆係於陛下之一身陛下安則
皆安也今事勢倉皇內外汹汹旣無親王以監
國又無太子以臨朝而輕出遠遊萬一有不虞
陛下將如何乎抑不知誰任其責也且爲中興

之主者當憂勤惕厲孜孜不怠斯賢君也今天
下甘肅嬰吐蕃之患江右迫畚賊之擾淮南有
漕運之難巴蜀有採辦之苦天下之事言之寒
心而又京畿之大春麥少收秋潦無望陛下不
是之思而欲長驅居庸觀兵上谷計非上策智
者圖矣廟堂未聞有骨鯁之謨朝廷多見有順
從之議臣以爲陛下之憂也且陛下北辰之象
也北辰不動而衆星拱之陛下輕離紫宮冒涉
山險且又不謀之朝廷而獨謀之宮中不議之

衆人而獨斷之一已使大小臣工將信將疑心
志不寧舉措不安恐非保國之至計也伏望皇
上爲宗廟計爲生靈計收其鑾輿決不可往如
有報到聲息則有股肱元老本兵大臣命將出
師禦之出境此制口之要道也如其不然亦望
上聚百官公議可否萬一果行亦宜有備衛之
役扈從之隨警蹕而行不宜自爲之往也夫與
民樂者有偕樂之美伏望皇上戒其遊玩厲其
政事節無用之費停不急之征與民偕樂則天

下樂矣臣昌昧上陳不勝戰慄之至

念民生以安邊境以安天下事前日上卿之臣
下至耳目之官皆不避死亡苦諫陛下不往居
庸關者但風聞人言之紛紛未真見人心之驚
疑也臣正德十二年七月十九日領勅往本關
親見沿路一帶軍民皆言陛下欲出城過關一
切錢糧如何措辦東西奔走大小不寧臣恐地
方不安卽今該管官員嚴加禁約未幾又言陛
下或欲往天壽山打圍或欲出西湖順往居庸

臣等竊以天下之爲天子者未有不以
重民爲重也今邊關地方淫雨連旬山水泛漲
民舍多有倒塌田禾多有淹沒錢糧浩繁軍民
困苦陛下爲天之子當安以撫之以固國本而
顧以不急之務使之動搖此於安民之道有不
可往也且聖王以孝治天下天壽山乃祖宗陵
寢所在神靈在上鬼神呵護陛下當至謹至敬
而不可忽也今欲來打圍是以可樂之事而冒

賓嚴敬之地恐非仁人孝子之至此於格祖之
誠有不可往也夫居庸關兩山夾峙一水旁流
其隘如線其側如傾艱折萬狀車馬難行乃人
人之所酸鼻寒心者也陛下宜安居深宮以耀
前星而乃以萬乘之尊遠涉險惡之地山嵐觸
冒障氣薰蒸陛下固不自愛兩宮寧不掛慮乎
此於孝親之道有不可往也且口口耐其飢渴
習於弓矢利則進不利則退以漢高祖且有白
登之圍唐太宗且有白馬之盟我英宗且有土

木之變孝宗亦有魚臺嶺之失觀之往代視之
當今無有不受虧於此口者也陛下雖聖神文
武而財賦不富兵力不强邊備之事廢弛殆盡
謹以守之尙不能保而欲往與之角輕身挺出
恐非萬全此於禦口口之道有不可往也且江
山祖宗所傳之江山也社稷祖宗所傳之社稷
也陛下不念祖宗江山社稷之重而輕與口口
欲爭一日之長勝之不武不勝爲憂此於繼統
之重有不可往也夫凡事慎於初則易悔於終